

BODO (CODE: 192)
CLASS-XII
(April 2022- March 2023)

Answer Key

		खोन्दो - क सुंथाबै सौनाय (Objective Type MCQ Paper)	गासै नम्बर 40
सौथि नं	1		5x1=5
	(i)	फिन: (ख) रेभारेण्ड सिदनि एण्डेल	1
	(ii)	फिन: (क) सासे बृटिस धोरोम फोसावगिरि आरो थुनलाइगिरि	1
	(iii)	फिन: (ग) हारसा रावनि गांसे मोखां बिलाइ	1
	(iv)	फिन: (घ) आनन्दराम डेकियाल फुकन	1
	(v)	फिन: (क) हेजेलमियार	1
सौथि न.	2		5x1=5
	(i)	फिन: (क) मानसिनि 'आं' आ गेवसानांगोन	1
	(ii)	फिन: (ग) आइननि मेगनाव	1
	(iii)	फिन: (घ) गोसो आरो देहा	1
	(iv)	फिन: (ग) गोसो आरो देहानि फारागथिया	1
	(v)	फिन: (ख) मानोना बयनिबो जिवा समानै गोथार	1
सौथि नं.	3		5x1=5
	(i)	फिन: (ख) सासे रांखान्थिगिरि आरो सानथौगिरि	1
	(ii)	फिन: (ग) फ्रयेदखौ बयबो फाग्ला होनना सानदौमोन	1
	(iii)	फिन: (ख) सैथोनि देरहानाय	1
	(iv)	फिन: (घ) मेगनजौ नुना फोथायनो हाथाव थाव फोरमान होनो हायै	1
	(v)	फिन: (ग) सासे साइक'लजिष्ट	1
सौथि नं.	4		10x1=10
	(i)	फिन: (क) रां-रुफा	1
	(ii)	फिन: (ख) नडि ओंथि	1
	(iii)	फिन: (ख) नौं	1
	(iv)	फिन: (ग) मोनब्रै	1
	(v)	फिन: (घ) सिनायथि	1

	(vi)	फिन: (ख) दा जाखां बिदिन्था	1
	(vii)	फिन: (क) जा-बाय	1
	(vii)	फिन: (घ) मा	1
	(ix)	फिन: (क) गाज्जि हाबा मावनो सिं सिं थुलुंगा आरो हेफाजाब होनानै बि मानसिनो गाज्जि मुं फोसावदला बायग्रा	1
	(x)	फिन: (घ) सोरबा जाहोग्रा, लौहोग्रा एबा आगोर होग्रा मानसिनि मुं सुनाय	1
सौथि नं.	5		10x1=10
	(i)	फिन: (ख) 1895 मायथाइयाव	1
	(ii)	फिन: (ग) भाइरास एबा जिउसाजों सोमजिनाय	1
	(iii)	फिन: (ख) 1864-1911	1
	(iv)	फिन: (ग) मिष्टिक	1
	(v)	फिन: (क) थावथारा, जुथिमोनि	1
	(vi)	फिन: (घ) गोनोखो	1
	(vii)	फिन: (क) प्रमद चन्द्र ब्रह्म	1
	(viii)	फिन: (ख) लय, तालजों मोदोमखौ साफ्रे-सुफ्रे खालामनानै सोरजिगिरिखौ गोजोन होनाय	1
	(ix)	फिन: (घ) बर' हारि आरो हारिमुनि सिनायथिखौ फोथाना लाखिनो थाखाय	1
	(x)	फिन: (क) प्रमद चन्द्र ब्रह्म	1
सौथि नं.	6		5x1=5
	(i)	फिन: (क) उरिष्यानि आंखालजों नाखेबजानाय आरो गोमलैसोनानै थानाय मोनसे ओनसोल	1
	(ii)	फिन: (ख) गोरबो हासारखौ	1
	(iii)	फिन: (क) अखा लिंहरनाय	1
	(iv)	फिन: (घ) बैसुमुथिखौ	1
	(v)	फिन: (ग) अन्जु	1
		खोन्दो - ख (Descriptive Type Question)	गासै नम्बर 40
सौथि नं.	7		5x2=10
	(i)	फिन: दैमा-दैसानि खुरां, सासे अलसिया गथ'नि खुरां।	2
	(ii)	फिन: खेराइ सोदोबा- खाय + एरग्रा + बोराइ = खयेरा बोराइ एबा खरिया बोराइनिफ्रायनो सोमजिदों।	2

	(iii)	फिनः खन्थाइगिरिया बर'फोरनि जोबोद अलखदखौ नुहरदों। मानोना बर'फोरा गावनि होननाय जेबो गैलिया- रां जोबबाय, रुफा जोबबाय, खौसेथि गोमाबाय। लोगोसेनो गाननाय-जोमनाय जोबबाय, रंजानाय मोसानाय बावलांबाय। फंसे बाथ्राजों बुंनो थाडोब्ला खन्थाइगिरिया- बर'फोरनि सिनायथि, थामोनथा, राव-हारिमुनि गाज्जि हालोदखौनो नुहरदों।	2
	(iv)	फिनः बसन्त बेराम जानायनि गोनोखो गनायनाय जाहोना जादों-बसन्त एबा लोन्थि बेरामा मोनफा जोबोरै गुन्द्रासानि भाइरास एबा जिवसार्जों सोमजिनाय बेरामसो।	2
	(v)	फिनः सुबुंनि संसार एबा राइजो जानाया अननाय आरो अनजानायनि गेजेरजोंसो। नाथाय रावखौबो रावबो अननायनि गेजेरजों लोगोआव लांफानो हाया। बेनिखायनो जोंनि अननाय-अनजानायनि संसार जानाया थिखा मावनाय बादि खामानि जोबागौमानि मुखुब थानाय नाथाय खामानि जोबोब्ला फिन थांफिननाय।	2
सौंथि नं.	8		3x4=12
	(i)	<p>फिनः थारजा एबा सोदोबनि उनाव गुबुन गुबुन सोदोबथि दिन्थिनो जाय सिनफोरखौ फज'नाय जायो बेखौनो दाजाबदा बुडो।</p> <p>बर' रावाव दाजाबदाखौ गासै मोनब्रै बाहागोआव राननो हायो। बेफोरखौ गाहायाव सुंद' सुंद'यै बेखेवनाय जाबाय-</p> <p>(क) थारजा दाजाबदा: थारजानि उनाव जाय सोदोबफोरखौ फज'नानै गोदान सोदोब दानाय जायो बेखौनो थारजा दाजाबदा बुंनाय जायो। जेरै: दे + ख' = देख'। बो + खाव = बोखाव। जा + खर = जाखर। सोम + खोर = सोमखोर।</p> <p>(ख) सोदोब दाजाबदा: सोदोबनि उनाव जाय दाजाबदा फज'नानै सोदोबनि सोदोबथिखौ सोलायहोयो बेखौनो सोदोब दाजाबदा बुडो। जेरै: बोलो + गोरा = बोलोगोरा। फोरों + गिरि = फोरोंगिरि। हाग्रा + बारि = हाग्राबारि।</p> <p>(ग) जो आथोन दाजाबदा: जाय दाजाबदानि हेफाजाबै जोला दिन्थिग्रा सोदोबखौ जो आथोन खालामनाय जायो बेखौनो जो आथोन दाजाबदा बुंनाय जायो। बर' रावाव जो आथोन दाजाबदाया गासै मोनथाम, जेरै- इ, उ आरो ए।</p> <p>बिदिन्थि:</p>	4

		<p>इ = बेंगा - बेंगि; खाना - खानि; जाम्बा - जाम्बि। उ = हायथा - हायथु, गायथा - गायथु। ए = नाब्ला - नाब्ले; हंला - हंले; दाब्ला - दाब्ले।</p> <p>(घ) बेखेवफा दाजाबदा: बाथ्रा दानाय समाव सोदोब एबा थारजानि उनाव जाय बेखेवफाफोरखौ दाजाबनानै सोदोबमा खालामनाय जायो बेखौनो बेखेवफा दाजाबदा बुडो। बेखेवफाया मोननै, जेरै-</p> <p>सोदोब बेखेवफा : जेरै- बेखेवगासेनि - आ (रामआ>रामा) बेखेवगानैनि - खौ (नों-खौ) बायदि बायदि।</p> <p>थारजा बेखेवफा : जेरै- जा - ओ (जायो), जा - दौ (जादौ) थां - बाय (थांबाय), माव - गोन (मावगोन) बायदि बायदि।</p>	
	(ii)	<p>फिन: सिखावनि सालाइया खान्दा।</p> <p>सिखाव एबा दाइ खालामग्रा मानसिया सोलिनो सानब्लाबो गावनि रावावनो माबा बुंनंगौवाव गिनानै माबा बुंफलांनानै हमजायो, बेखौनो फोरमायनो गोबां समाव बे बाथ्रा भावखौ बुंनाय खोनायो। मानोना सालाइ खान्दा मानसिनि रावा मोजाइ फुथिया।</p> <p>एबा</p> <p>फिन: अनदला खारियाव आगान थाया।</p> <p>सा-साज्रां बाथ्रा एबा जाय बाथ्राया थार नडा एबा बेसेन गैया बिब्दि बाथ्राखौनो बुंनाय जादौ। अनदला खारिया लाव लावखायनो बेयाव आगान खोखलैब्लाबो बे आगाना थाया। बेबादिनो अनदला खारि बादि सा-साज्रां बाथ्रा एबा जाथारै रावफ्रा अराय दिननि थाखाय नंगौ जानानै थाया आरो बेबादि रावखौ रावबो बेसेन होआ।</p>	4
	(iii)	<p>फिन: “खोलोमा थुंग्रिनिखुरै देरसिन।”</p> <p>थुंग्रिया मानसि दानथारनो हायो। नाथाय मानसि दानथारोब्ला हादरा सिलिंखार जायो। दानि जुगाव राजा-महाराजानि दिन बादि थुंग्रिजौं दावहा नांनानै देरहानाया साननैसोनि थाखायल’। थुंग्रिजौं दावहा नांनानै देरगानाया अराय समनि थाखाय जोहोलाव जानानै थाबाय थानो हाया। मानोना मानसिनि जोहोलाव देहायाबो समनि लोगो लोगो बोरायनानै लोरबां जालाडो। नाथाय खोलमा गियानि-गुनि गेदेमा मानसि</p>	4

	<p>बानायनो हायो। खोलोमनि दारै सासे मानसि, मोनसे हारि एबा गंसे हादरनि साननाय-हनाय, मावनाय दांनायखौ लिरनानै फोरमायनो हायो। बेनिखायनो खोलोमनि दावहायासो मुलुगाव अरायनि थाखाय गोजोरै जॉनानै थाबाय थागोन। मानोना गुसु मेलेमजॉ खोलोमनि दावहा नांनायासो जेब्लाबो जै जानो हायो। बेनिखायनो थुंग्रिनिखुरै खोलोमासो जेब्लाबो देरसिन आरो गोहो गोरसिन।</p> <p style="text-align: center;">एबा</p> <p style="text-align: center;">“खौसेब्ला देरहागोन गावसाब्ला जेनगोन।”</p> <p>बे बाथाया अरायबो सैथो। मोनसे हारिनि बयबो सुबुडा खौसे जानानै खामानिखौ मावोब्ला देरहासार जानो हायो। जुदि मोनसे हारिनि गेजेराव गावजॉ गाव खौसे गैलायाब्ला बे हारिया गावसानानै थेर-बेथेर जालांगोन। जेरै- बेरेफोरा खौसेनि बोलोजॉ गावनि बासाखौ लुफुडो आरो बिदै जथायनानै दोननो हायो। मोसोमफोराबो खौसेनि बोलोजॉ न’ बानायनानै लानो हायो आरो आदार बुथुमो। थिक बेबादिनो गाव हारसिडै मावनो हायै हाबाखौ ज’ जानानै मावोब्ला गासै खामानिखौनो मावफुंनो हायो। थारैनो, बयबो खौसे जानानै खामानि मावोब्ला गंसे गेदेर दैमाखौबो थेनो हायो, मासे मैदेरखौबो खानानै दोननो हायो। बेनिखायनो बुंनाय जादों- खौसे जायोब्ला देरहागोन आरो गावसालायोब्ला जेनगोन।</p>	
<p>सौंथि नं. 9</p>	<p>फिन: बिमा रावानो बयनिखुरैबो गोदैसिन आरो देरसिन। सासे गथ’वा जोनोम मोननायनि उनावनो बिमानि अननाय, खानाय-बानाय, फोरॉनायाव गेदेर गोलाव जायो। गथ’वा जाय बिमानि गोरबोआव जोनोम मोनो बे बिमानि रावखौनो उन्दैनिफ्राय सोलोडो। गथ’वा देरबोनानै राव रायनो रॉब्ला बिमानि रावजॉनो गावनि साननाय-हनाय, गोसोनि लुबैनाय-हास्थायनाय आरो बायदि मोनदांथिफोरखौ रोखायै बुंनानै फोरमायनो हायो। नाथाय गुबुननि रावजॉबा बेबादि आबुडै बुंनानै फोरमायनो हाया।</p> <p>सोलोंथाइया मानसिनो गियान होयो। लेखा-फरा गोरों जानो, गुनि-गियानि आरो गेदेर-गोलाव सुबुं जानो जॉ फरायसालियाव थाडो। गोगो सोलोंथाइ लानोब्ला गावनि बिमा रावनि बिजोडानो बयनिखुरै साबसिन। बेनिखायनो जॉ गावनि बिमा रावनि बिजोडावनो फरायनो नांगौ। मानोना गावनि बिमा रावनि बिजोडाव फरायोब्ला फोरॉगिरिया फोरॉनाय गासैबो आयदानि</p>	<p>6</p>

		<p>सानसि आरो सानदांथिफोरखौ गोरलैयै हमदांनो हायो आरो रोखायै बुजिनो हायो लोगोसे गावबो फरायनानै गोबां सोलोनो हायो। बिदिन्थि बादियै- चिन हादरनि चिना मानसिफोरा गावनि बिमनि रावजौं फरायनानै डक्टर, इन्जिनियार, गोनोखोगिरि, अखां दावबायगिरि (Astronaut) जानो हादौं। बर'फोराबो गावनि बिमा रावजौंनो फरायनानै गोबां प्रफेसर, डक्टर, इन्जिनियार, गोनोखोगिरि जानो हानायनि फोरमान दं। बेनिखायनो गोगो सोलौंथाइनि थाखाय बिमनि रावानो बयनिखुरै साबसिन।</p>	
सौंथि नं.	10	<p>फिन: सिम, मानिनां सुजुगिरि, बड'सा रादाब, कक्राझार-70 अक्ट: 20-09-2022</p> <p>गेदेमा, बे लाइजामनि गेजेरजौं नौंथांखौ बेखौनो मिथिहोहरनाय जायोदि, जौंनि जायगायाव थानाय लक्षेस्वर ब्रह्म गोजौं फरायसालियाव थि समाव बिजाबफोरा सफैयिनि थाखाय आरो नांगौं रोखोमनि बिजाब गैयिनि थाखाय फरायसाफोरा लेखा सोलौंनायाव जेनाजौं मोगा-मोगि जानो गोनां जादौं। फारसेथिं बोसोरारि जोबथा आनजादनि समाबो बारा गैला। आरोबाव गुबुन मोनसे जेनाया जादौं- बे फरायसालियाव दासिमबो सानखान्थि आरो बिगियान आयदानि फोरौंगिरि गैया। फरायसालिनि बेबादि थासारियाव फरायसाफोरा गोगो सोलौंथाइ लानायाव गोबां हँथा सोमजिदौं।</p> <p>बेफोर खौरांखौ नौंथानि बड'सा रादाबाव खम समनि गेजेरावनो फोसावना होयोब्ला जौं जोबोद गोजोननाय मोनगोन आरो बेजौं माबा मोनसे राहा एबा फिथाइ थायगोन होननानै मिजिं खालामनो हायो।</p> <p>एसेनोसै।</p> <p>नौंथानि फोथायसुला, हांगामा मोसाहारि रादाब दैथाय हरग्रा अदालगुरि।</p>	6

		<p style="text-align: center;">एबा</p> <p>सिम, मानिनां सुजुगिरि, बड'लेण्ड इंखं, बिजनी-90 अक्ट: 20-08-2022</p> <p>गेदेमा, बे लाइजामनि गेजेरजों नोंथांखौ बेखौनो मिथिहोहरनाय जायोदि, थांनाय जुलाइ दानाव गोब्राब अखा हानायनि जाहोनाव सौखलाय दैमानि दैया माथाउरि सिफायनानै जौनि तामुलपुर जिलानि बैग्रिगुरि गामिखौ लोमसावनानै सिलिंखार खालामलाडो। दासिमबो जौनि ब्रैग्रिगुरि गामिया हन्थुसे दैजोंनो लोमनानै दं। जायनि थाखाय बे गामिनि मानसिफोरा थानो थाखाय न-बां, जि-जोम आरो जानाय-लौनायनि गोबां जेंनाजों मोगा-मोगि जानानै दं। फारसेथिं लामा नायब्लाबो सरखारा दिनैसिमबो जौंखौ खौरां लाफैयाखै, जानाय-थानायनि थाखाय जेबो राहा खालामनानै होफैयाखै। दा जौनि गामिनि गासै मानसिफोरानो जोबोर दुखु आरो खैफोदाव गोम्लैनानै दं।</p> <p>बे खौरांखौ नोंथानि बड'लेण्ड इंखं रादाबाव खम समनि गेजेरावनो फोसावना होयोब्ला जौं जोबोद गोजोननाय मोनगोन आरो बेजों माबा मोनसे राहा जागोन होननानै साननो हायो। एसेनोसै।</p> <p style="text-align: right;">नोंथानि फोथायसुला, लैहोर बसुमतारि रादाब दैथाय हरग्रा बैग्रिगुरि, तामुलपुर।</p>	
सौंथि नं.	11	<p>फिन: बड'फा गोजौ फरायसालि, बाक्सा जिला : बागसा</p> <p style="text-align: center;"><u>मिथिसार</u></p> <p style="text-align: right;">अक्ट': 20 जुन, 2022</p>	6

	<p>बे मिथिसार बिलाइनि गेजेरजों बड'फा गोजौ फरायसालिनि गासै फोरोंगिरि आरो फरायसा नोंथांमोनखौ बेखौनो मिथिहोनाय जायोदि, फैगौ जुलाइ दाननि 1 अक्टनिफ्राय 31 अक्टसिम गोलोम बोथोरनि थाखाय फरायसालिया बन्द' थागोन। आगष्ट दाननि 1 अक्टनिफ्राय फरायसालिया खुलिफिनगोन।</p> <p>बयनिसिमबो गोलोम बोथोर बन्दनि गाहाम हामलायथि जासिहरबाय। गोजोन्थों।</p> <p>जारिमिन लाहारि गाहाइ फोरोंगिरि, बड'फा गोजौ फरायसालि।</p> <p>एबा</p> <p>फिन: बड'फा गोजौ फरायसालि, बाक्सा जिला : बागसा</p> <p><u>मिथिसार</u></p> <p>अक्ट': 10 नभेम्बर, 2022</p> <p>बे मिथिसार बिलाइनि गेजेरजों बड'फा गोजौ फरायसालिनि गासै फरायसा नोंथांमोनखौ बेखौनो मिथिहोना मोननानै गोजोननाय मोनोदि, जौनि फरायसालिनि बोसोरारि फोरबो (School Annual Function) खौ बोहैथि बोसोरनि 12 नभेम्बरनिफ्राय 14 नभेम्बरसिम सानथामनि हाबाफारि लानानै गाजा-गोमजा खुंफुनो थि खालामदों। बे फोरबोजोंनो लोबबा लाखिनानै हारिमुवारि बादायलायनाय जेरै- मेथाइ खननाय, मोसानाय, रोजाबनाय बायदि हाबाफारि लाफानाय जादों।</p> <p>बेनिखायनो गोसो गुदुं फरायसा नोंथांमोनखौ बेफोर बादायलायफोराव गोसो-खुसियै बाहागो लाफैनो थाखाय आं हारिमुवारि नेहाथारि जानानै गुरैयै खावलायहरनाय जाबाय। गोजोन्थों।</p> <p>नोंथांमोननि फोथायजाथाव, समायना बसुमतारि हारिमुवारि नेहाथारि बड'फा गोजौ फरायसालि, बागसा।</p>
--	--